

橋渡

本城東門外石橋一座乾隆八年始建乾隆三十八年重修

本城西門外石橋一座乾隆九年合莊捐建

本城北門外西城莊大木橋一座小橋一座乾隆六年知縣洪肇楸捐建乾隆四十三年公修

西關莊西北大小石橋二座先架以木北名通濟橋西名廣濟橋始建不知何年乾隆十二年談有序出

寧河縣志

卷之四

建置

一

資捐修乾隆二十六年被水冲塌合莊捐修易之以石

西關莊大木橋二座一名張家橋一名任家橋始建不知何年乾隆十二年談有序捐資重修乾隆二十六年被水冲坍合莊重修

東窩莊東大石橋一座雍正二年合莊捐修

南沽莊大石橋二座始架以木乾隆三十七年知縣黃紹魁易之以石

米廠莊南石橋一座昔爲木橋始建不知何年乾隆

七年改建石橋

木頭窩莊西南石橋一座昔爲木橋始建不知何年
乾隆十六年知縣李之蓉捐資易之以石立有碑記
馮家臺莊東大木橋二座雍正七年合莊捐建

青泥莊南北小石橋各一舊爲木橋雍正六年合莊
建乾隆四十二年易之以石

劉可莊西南大石橋一座乾隆二十六年合莊捐資
修建

江窪口石橋一座萬歷二十四年苗從美捐建乾隆

三十三年合莊捐修

板橋莊東大石橋一座乾隆三十九年建

板橋莊西大木橋一座雍正八年民人解惠捐修

青坨莊南大石橋三座中小石橋二俱康熙四十年

民人李思德捐建

苗家莊北石橋一座康熙三十九年合莊捐修乾隆

六年合莊捐資重修

閻家莊南大木橋一座雍正三年合莊捐建乾隆四

十三年李漢章捐修

大月河莊大石橋一座始架以木雍正十二年捐建
乾隆十五年重修乾隆三十年合莊捐資易之以石
名永寧橋

王御史莊東石橋一座舊為木橋乾隆四十二年合
莊捐資易之以石

蘆臺東西南大石橋各一始建不知何年俱於乾隆
十年合鎮捐修

蘆臺河北石橋一座始建年月無考乾隆三十六年
合鎮捐修

寧河縣志

卷之四

建置

三

漢沽莊北大石橋一座昔架以木始建年月無考乾
隆三十四年易之以石名曰永濟橋

有碑記
見藝文

又莊西北木橋一座始建不知何年乾隆三十四年
與永濟橋同修

鐵獅坨莊北大木橋一座乾隆四十三年合莊捐修
營城莊東大石橋一座始架以木建造年月無考乾
隆三十年邑人邵承富捐資倡修易之以石名曰允

毅橋

有碑記
見藝文

營城莊東大石橋一座原建年月無考乾隆二十九

年合莊重修

潘莊王家霧河大石橋一座始設小船以濟行人乾

隆八年知縣屠祖賚捐資改建顏之曰屠公橋有碑記見

藝文

又潘莊東石橋一座雍正四年合莊捐建

南淮魚洵莊西大木橋一座雍正九年合莊捐建

造甲城莊石橋一座始建年月無考

東堤頭莊西大石橋一座昔為木橋雍正六年合莊

捐建乾隆四十二年合莊捐資易之以石

又莊東大石橋一座康熙三十二年合莊捐建乾隆

三十八年合莊捐修

西堤頭莊中大石橋一座昔為木橋康熙三十五年

合莊捐建乾隆十八年合莊捐資易之以石寧津分界處

北塘莊南大木橋一座雍正八年合莊建乾隆二十

八年重修

北塘莊西南石橋一座乾隆丙申年知縣關廷牧倡

建

新河莊南大木橋一座始建年月無考乾隆三十九

年商人許賢捐修

新河莊東大木橋一座始建年月無考乾隆十九年

合莊重修有碑記

新河莊北大木橋一座始建年月無考乾隆二十三

年合莊重修

塘兒沽木橋一座乾隆二十年合莊修

按邑中橋梁甚多不能一一備志謹擇其往來孔

道及好義倡捐者雖小必錄

附

邑西門外舊有橋樑一道相傳明季流賊陷寶坻時

寧河縣志

卷之四 建置

五

全所震動夜集鄉夫併力挖堤引潮河之水以通南

北四週環繞險若湯池寇至憚於攻取藉以保全事

定後卽架木爲橋寢易以石茲城樓上有石刻襟河二字又有天輔津梁匾

紀前歲久傾圯尋於乾隆三十一年知縣薛端引術

家言謂邑來龍在西不宜隔斷來脉爰填以土而此

橋遂廢

東窩莊渡船二乾隆八年本城談有序陳玉崑捐設

乾隆二十二年本城劉玉倉劉岐山重修乾隆三十

八年紳士杜懋綸劉格臣邵景東等重修

埋珠莊南渡船一歷年合莊捐資修補

江窪口渡船二萬歷二十四年苗從美自行捐設康熙二年孫哲元重修康熙四十六年孫國屏等重修乾隆七年孫成業孫國柱靜維昇等公捐重修乾隆三十二年孫緒武靜維昇等捐資重修

蘆臺鎮渡船二始設年分無考雍正八年合鎮重修乾隆二年合鎮重修十年二十年二十八年三十七年并四十二年俱經合鎮捐修

北塘莊渡船一始設年月無考乾隆二十四年合莊

寧河縣志

卷之四

建置

六

捐修

窑上莊渡船一始設年月無考雍正元年合莊捐修
以上各渡俱可通車馬

北窩莊渡船一乾隆六年本城談有序陳玉崑捐設
二十二年重修三十八年重修

北窩莊小楊莊南渡船一乾隆八年本城談有序陳
玉崑捐設三十八年紳士杜懋綸劉格臣邵景東等
重修

米厰莊西渡船一康熙年間合莊始建乾隆八年合

莊公捐重修

任鳳莊北渡船一乾隆二十七年合莊捐資修造

馬杓沽渡船一乾隆十五年合莊捐造

南澗沽渡船一原設年月無考

孟家莊南渡船一原設年月無考

李家沽北渡船一原設年月無考

劉家莊東渡船一乾隆三十七年合莊捐設

造甲城莊東南渡船一乾隆十五年合莊捐設

寧車沽莊北渡船一乾隆三十八年合莊造

寧河縣志

卷之四

建置

七

蘆臺跨河跳板四十二管鐵釘蔴絳皆備乾隆二十

三年知縣謝洪恩設

有碑記
見藝文

四十年巡檢茹連發重

修又增設五管

以上各渡僅足濟行人不能通車馬因寧邑河津

還繞艱於利涉故謹誌焉

附

北塘莊西南大路爲南北通衢行旅絡繹地濱大海

每逢潮汐行道維艱知縣關廷牧倡首勸捐鳩工興

築自乾隆丙申秋泊丁酉春凡五閱月而築成疊道

長十里許并建石橋以通水勢往來便之

論曰造橋利涉以爲民也徒杠輿梁因時定制豈非爲政之大者哉唐六典凡天下造舟之梁四石柱之梁四木柱之梁三巨梁十有一皆國工修之其餘皆所管州縣隨時營葺其大津無梁皆給船人量其大小難易以定其差法云備矣今 畿甸廣漠四達寧邑尤近沮洳橋梁舊多廢壞秋水時至百川灌河時常陷絕曳輪招舟無賴者藉以爲利索勒客錢居官何可不察也昔趙充國治隍陁以西道橋七十所今可至鮮水爲屯軍便宜之一古人有用之邊陲而效者矣然則修塗道以繼司空按寒洹以循夏令是亦邑政所關而王治所不可闕者也

祠墓

名宦祠

現祀總督兵部尙書朱昌祚李廕祖光祿大夫宋權江南學院邵嗣堯察院御史于成龍直隸總督趙宏燮通永道白爲機

鄉賢祠

並見學宮

忠義祠

節孝祠

並見祀典

五代趙德鈞祠在蘆臺巡檢司衙門內

按蘆臺並無趙德鈞祠亦無巡檢司舊署乾隆三十年間因增修一統志奉方畧館行查業經查覆有案想昔有之日久其蹟湮耳

國朝杜大學士祠在邑東門外文昌閣西建自康熙三十一年文端公弟立本監修內有

御賜永言惟舊匾額

五代梁王墓在縣南蘆臺莊今不存

宋楊七郎墓在縣西潘莊舊廟尙存疑卽延昭弟也

潘美墓在縣西潘莊

寧河縣志

卷之四

建置

九

按宋史潘美大名人受知太祖平定海內曾知幽州後以判并州卒今潘莊有古墓八十一座九行並列土人相傳爲潘美墓云

前明

分守寧夏等處地方遊擊將軍都指揮楊從新之墓邑東門外離城一里許

兵部都司署都指揮僉事楊桂芳之墓邑東門外離城一里許

國朝

誥贈保和殿大學士杜仁墓

誥贈保和殿大學士杜朝先墓

誥贈保和殿大學士杜守禮墓

誥授光祿大夫保和殿大學士諡文端杜立德墓同在一

塋距邑東南一里有石獸碑碣

諭祭碑文

見藝文志

江南廬州府知府杜立本墓在河東捷道沽距縣十

里許

江西廣信府知府杜恭俊墓距老營東南里許

寧河縣志

卷之四

建置

十

河南陝州知州杜適文墓在縣南孟家莊距縣十二

里許

論曰逝者如斯哲人已遠所不可掩者身後之名耳

故立祠以享之封墓以記之示不忘也天下之富貴

顯榮者衆矣而奄忽物化聲塵寂如豈非所重若此

所輕若彼哉禁樵採於隴邱薦芳馨於堂下非明德

曷克致此邪

坊表

彰善坊

在本城爲增生談有序立

百歲坊 在塔洵為民人徐應科妻劉氏一百四歲立

恩錫節榮坊 在本城為杜立言妻張氏立

鐵性冰心坊 在本城為常懷遠妻張氏立

兩世冰霜坊 在李家莊為李纘緒妻王氏李定國妻陳氏立

節茂松筠坊 在本城為廉德孚妻王氏立

節荷恩榮坊 在本城為廉義黨妻張氏立

松柏霜青坊 在本城為廉德民妻安氏立

節孝坊 在漢沽為崔珏妻楊氏立

玉質金相坊 在本城為朱良雋妻杜氏立

寧河縣志

卷之四 建置

貞節坊 在蘆臺鎮為劉廷恩妻朱氏立

貞節坊 在岳旗莊為岳景純妾張氏立

松心柏節坊 在邢家坨為馬勳臣之妻馮氏立

節孝坊 在營城為邵聯瀛妻張氏立

論曰坊者坊民之所不足者也表厥宅里樹之風聲

豈徒邀一日之榮哉其德厚者其錫大其錫大者其

義彰其義彰者其民敬用以闡揚往行風勵衆庶而

古意存焉望重縉紳芳流閭闔殆與式閭封墓者爭

烈矣

寧河縣志卷之四下

祀典志 凡三○此篇止載禮儀其創修方位則見於建置篇

洪範八政三曰祀祀典所關重矣然禮之所尊尊其義也陳數失義祝史貽譏寧邑雖小然陳俎豆潔犧牲有馨香無讒慝者無異教也今將聖神功化所在者著於篇道在知其義而敬守之而淫祀不與志祀典

文廟

大成殿

寧河縣志

卷之四 祀典

一

至聖居中復聖述聖在左宗聖亞聖在右當祭則配殿左右為十二哲從祀其東西兩廡七十二賢及歷代諸儒之有功聖學者各分獻 祭儀錄後

按左邱明以下經師二十二人配享定於唐貞觀二十一年周程張朱五子之從祀定於宋理宗淳祐元年蓋所以報其傳註之功累朝論定殆無遺議至明嘉靖九年於二十二入之中輒為出入又以鄭康成范甯等改祀於鄉成化初劉定之議以為左邱明以下經師二十二人雖其中不無可議

然當世衰道微火於秦黃老於漢佛於魏晉之時
而此二十二人者守其遺經轉相付授講說註釋
各竭其才以待後之學者其爲功也大矣雖有大
過亦當宥之况小失乎此可謂知言者矣至我

朝雍正二年

勅諭附饗廟庭諸賢皆有羽翼聖經扶持名教之功然歷
朝進退不一而賢儒代不乏人或有昔罷而今議
復有舊缺而今宜增其從祀崇祀者周程朱蔡外
或可升而附並先賢先儒之後孰當增置五經博

寧河縣志

卷之四 祀典

二

士以昭崇報九卿翰詹議准復祀者六人林放蘧
瑗秦冉顏何鄭康成范甯宜增祀者二十人縣貢
牧皮樂正子公都子萬章公孫丑諸葛亮尹焞魏
了翁黃幹陳淳何基王柏趙復金履祥許謙陳澔
羅欽順蔡清陸隴其宜入崇聖祀者一人張廸宜
增置博士者四人冉雍冉伯牛子張有若自此之
後典禮有加度越前朝遠矣

崇聖祠在殿後雍正四年追封

先聖五代王爵曰

肇聖王

裕聖王

詒聖王

昌聖

維持王化斯民是宗典祀有常精純並隆神其來格
於昭聖容奠帛初獻奏寧和之曲詞曰自生民來誰
底其盛惟師聖明度越前聖粢帛具陳禮容斯稱黍
稷非馨惟神之聽亞獻奏安和之曲詞曰大成聖師
實天生德作樂以崇時祀無斲清酤惟馨嘉牲孔碩
薦修神明庶幾昭假終獻奏景和之曲詞曰百化宗
師生民物軌瞻之洋洋神其寧止酌彼金罍惟清且
旨登獻惟三於嘻成禮徹饌奏咸和之曲詞曰犧象
在前豆籩在列以饗以薦既芬既潔禮成樂備人和

寧河縣志

卷之四 祀典

四

神悅祭則受福率遵無越乃奏咸和之曲以送神其
詞曰有嚴學宮四方來宗恪恭祀事威儀雍雍歆茲
惟馨神馭還復明禋斯畢咸膺百福凡歌詩者四人
樂生二十有四人司舞三十有六人

雍正二年添設

祭法

先師酒三爵帛一筐太羹一登和羹二釧黍稷二簋稻粱

二簋十二籩

鹽 藁魚 棗 栗 榛 茨 菱
鹿脯 鮓 粿 餌 粢

十二豆

韭 菁 芹 笋 醢 鹿醢 兔醢 魚
醢 豚胎 脾 肝 鮑 糝

羊一俎豕一俎設太牢

雍正四年增設

四配酒各三爵帛各一筐太羹一豆和羹二鉶黍一簋

稷一簋六邊鹽 棗 栗 鹿 菁 筍 鹿醢

醢羊豕皆一函

十二哲酒各一爵帛一筐和羹一鉶黍一簋稷一簋四

籩省菱 藁魚四豆省笋 魚醢羊豕皆一函東西 數同

兩廡每廡酒四爵帛一筐黍一簋稷一簋四籩四豆

豕四函

崇聖酒三爵帛一筐和羹二鉶黍稷二簋稻梁二簋籩

四豆四羊豕皆一俎

寧河縣志

卷之四 祀典

五

其配各酒三爵帛一筐和羹二鉶黍稷一簋稻梁二

簋籩豆皆四羊豕皆一函

是日也祭辯乃致祭於魁星樓及土地祠並名宦鄉

賢二祠皆祭之畢乃出祭於

文昌閣如常儀

論曰禮不忘其本耕之祭先農也桑之祭先蠶也所

以大報本反始也矧釋奠祭菜尤為化民成俗之本

哉我

朝尊師重道封五代設太牢四海之內學校如林庠序

盈門俎豆莘莘濟濟乎洋洋乎炳焉與三代同風矣
壇壝

社稷壇以釋菜後戊日致祭

風雲雷雨山川壇與社稷壇同日祭

先農壇每歲戊日致祭

厲壇每歲清明中元孟冬三節祭

祭法

社酒三爵帛一筐和羹二鉶黍稷二簠稻二簋棗栗鹽
藁魚四籩韭菁菹醢四豆羊一俎豕一俎

寧河縣志

卷之四 祀典

六

稷如其數

風雲雷雨山川器增社壇二之一筐增五祭品一如
社儀

先農牲用羊豕三獻禮如常儀

厲酒三爵果四籩蔬四豆羊二俎豕二俎羹八器飯
四科

論曰自古建國君民教學爲先而平水土植百穀皆
所以神地之道也故教民美報焉山林川谷邱陵能
出雲爲風雨見怪物皆曰神在其地則祭之或重粒

食或奠游魂肅然靈風時來時去蓋壇壝之設所從來者尚矣

廟祠

關帝廟雍正三年奉文加封三代公爵每歲春秋釋奠五月十三日復專祭

城隍廟每歲春秋仲月隨風雲雷雨壇同日祭

八蜡廟祭日同上

馬神廟祭日同上

土地廟祭日同上

寧河縣志

卷之四 祀典

七

忠義節孝祠祭日同上

祭法

關帝廟牲用羊豕設太牢其儀注一與文廟同朝服行九跪三獻禮是日並祭三代祠無太牢六跪三獻如祭崇聖祠五月十三日專祭之牲儀皆如前

城隍與風雲雷雨山川禮儀同

八蜡牲用羊豕酒各二爵餘如常儀

忠義節孝禮儀視名宦鄉賢

論曰有道之世其鬼不神故古聖絕地天通罔有降

格所以絕羣情之誕也然虞典自禋望而外徧於羣
神則有功德於民者宜祀之矣武廟赫濯亞於文廟
典莫重焉而捍災禦患庇土物立人紀者有其舉之
莫敢廢也夫子告宰我曰因物之精制爲之極明命
鬼神以爲黔首則百衆以畏萬民以服豈求諂以邀
福哉敬而不黷禮也